

Marginalizirane grupe u BiH

Četiri godine traje projekat Koalicija "Koma" sa 103 člana, Fondacije za socijalno uključivanje u BiH i IBHI-ja

Današnji okrugli sto pokušava da odgovori na pitanje zašto prioritetni problemi marginalizovanih grupa nisu riješeni u posljednje četiri godine, kazao je direktor Inicijative za bolju i humaniju inkluziju (IBHI) Žarko Papić, uoči održavanja okruglog stola o temama "Zašto položaj marginaliziranih grupa u Bosni i Hercegovini nije poboljšan?" i "Analiza i monitoring stanja i prioritetnih problema u oblasti ljudskih prava - marginalizovane grupe u BiH".

Prioritetni problemi

"Zašto četiri godine? Zato što četiri godine traje projekat Koalicija 'Koma' sa 103 člana, Fondacije za socijalno uključivanje u BiH i IBHI-ja. Svojim kampanjama su pokušavali da urade javne politike koje bi riješile ove prioritetne probleme mar-

ginalizovanih grupa. Djelimično smo uspjeli stvarajući neke pretpostavke za rješavanje tih problema. Govorim o oba entiteta strategije za oblast poboljšanja položaja osoba sa invaliditetom, govorim o dokumentima koji se odnose na socijalno poduzetništvo", kazao je Papić, dodajući da "međutim, u suštini stvari, problemi nisu riješeni". A nisu riješeni "zato što u BiH ne postoji ozbiljna socijalna politika".

"Zašto ne postoji? Zato što u Reformskoj agendi koja je potpuno socijalno neosjetljiva i u pismu namjera koje je iza toga otišlo MMF-u fino u svim varijantama stoji, kad je riječ o reformi sistema socijalne zaštite, to se odnosi prije svega na marginalizirane grupe, to se može uraditi samo u konsultaciji sa Svjetskom bankom i MMF-om, a Svjetska banka i MMF

kažu za socijalu ni marka više. Dakle, za sve drugo može, samo za socijalu ne može", pojasnit će Papić, dodajući da "dakle, socijalnu politiku vode ministarstva finansija".

Siromaštvo, nezaposlenost...

"Hoću reći, zaključavaju je, ne daju je i to je situacija koja definitivno nas dovodi u stanje, haj' mo reći, socijalne krize u BiH. Govorimo o siromaštvu, o nezaposlenosti, o neriješenom problemu socijalne isključenosti, diskriminacije po svim oblicima, da ne pominjem arhitektonske barijere ili uzrok invalidnosti kao oblik diskriminacije kad je riječ o marginaliziranim grupama. Hoće li se u programima rada vlada u koje smo uspjeli da uguramo u saradnji sa odgovarajućim ministarstvima zakone koji re-



Problemi još nisu riješeni / ANGELINA ŠIMIĆ

formišu sistem socijalne zaštite, zakon o osnovama sistema socijalne zaštite ovdje u Federaciji, zakon o jednakim načelima i okviru materijalne podrške osobama sa invaliditetom opet u Federaciji, zakon o socijalnom stanovanju, zakon o socijalnom poduzetništvu u RS-u, u ovom predizbornom haosu nešto od toga desiti i biti usvojeno veliko je pitanje."

"Bojim se, ovaj put je druga vrsta blokada u pitanju. Finansijska blokada ministarstva u oba slučaja, u oba

entiteta, ministarstava za finansije", kazao je Papić.

Uz članove Koalicije "Koma", sudionice okruglog stola bile su i DF-ove zastupnice iz federalnog i državnog parlamenta Suzana Galić i Maja Gasal-Vražalica.

Okrugli stol (organizirali su ga FSU u BiH i IBHI) jedna je od aktivnosti projekta Program održivosti civilnog društva (CSSP) za sektor ljudska prava - marginalizirane grupe, koji implementiraju FSU u BiH i IBHI uz podršku USAID-a. **ANGELINA ŠIMIĆ**